

## REGLUGERÐ

### um skotvopn og skotfæri.

#### I. KAFLI

#### Um veitingu skotvopnaleyfa.

##### 1. gr.

Einstaklingur, sem uppfyllir eftirgreind skilyrði, getur fengið leyfi til þess að eignast skotvopn.

1. Hefur náð 20 ára aldri og hefur ekki verið sviptur sjálfræði.
2. Hefur ekki gerst brotlegur við ákvæði almennra hegningarlaga, áfengislaga, laga um ávana- og fíkniefni eða laga er varða meðferð skotvopna. Veita má þó umsækjanda leyfi, ef brot er smávægilegt eða langt um liðið frá því að brot var framið, enda sýni hann fram á, að hann hafi ríka þörf fyrir að eiga skotvopn. Að liðnum tveimur árum frá því að brot var framið getur þó lögreglustjóri veitt umsækjanda leyfi, enda hafi refsing ekki farið fram úr sektum eða varðhaldi og ekki hafi verið um að ræða árásar- eða ofbeldisbrot, brot á lögum um ávana- og fíkniefni, ítrekuð ölvunarbrot eða brot á lögum, er varða meðferð skotvopna.
3. Hefur nægilegan andlegan þroska, er andlega heilbrigður, er ekki haldinn drykkjuhneigð, neytir ekki ávana- og fíkniefna og er að öðru leyti hæfur til þess að fara með og eiga skotvopn.
4. Hefur nægilega kunnáttu til þess að fara með skotvopn. Áður en leyfi er veitt skal lögreglustjóri kanna, eða láta kanna af þar til kvöddum manni, hæfni og kunnáttu umsækjanda eftir nánari reglum, er dómsmálaráðuneytið setur.

Lögreglustjóri getur synjað um leyfi fyrir skotvopni, ef umsækjandi gerir eigi nægilega grein fyrir í hvers skyni hann leitar leyfisins svo og ef lögreglustjóri telur, af einhverjum ástæðum, varhugavert að veita umsækjanda skotvopnaleyfi.

Dómsmálaráðherra getur veitt undanþágu frá ákvæðum þessarar greinar, ef sérstaklega stendur á.

##### 2. gr.

Sá, sem fullnægir skilyrðum 1. gr., getur fengið leyfi lögreglustjóra fyrir eftirgreindum skotvopnum:

1. Haglabyssum númer 12, 16 og 20; einskota eða tvíhlepum.
2. Rifflum cal. 22 (long rifle og minni), þó eigi sjálfvirkum eða hálfsvirkum.
3. Loftskotvopnum.

##### 3. gr.

Lögreglustjóri getur ennfremur veitt leyfi fyrir eftirtöldum skotvopnum með þeim takmörkunum, sem í þessari grein segir:

1. Haglabyssum númer 12, og með minni hlaupvídd, margskota, þó eigi sjálfvirkum.
2. Rifflum cal. 30 (7.62x63 mm) og með minni hlaupvídd, margskota, þó eigi sjálfvirkum eða hálfsvirkum.

„Sjálfvirkt“ (automatic) er skotvopn, ef hægt er að skjóta úr því röð af skotum með því aðeins að taka einu sinni í gikkinn.

„Hálfsjálfvirkt“ (semi-automatic) er skotvopn, ef hægt er að skjóta úr því einu skoti á eftir öðru, þar til skothylkjahólf (magasín) er tæmt, með því aðeins að taka í gikkinn í hvert skipti sem hleypt er af skoti.

Leyfi fyrir skotvopnum skv. þessari grein má aðeins veita þeim, sem sýnir fram á, að hann hafi þörf fyrir að eiga þau og sýnir jafnframt fram á sérstaka hæfni í meðferð skotvopna. Umsækjandi skal gangast undir sérstakt hæfnis- og kunnáttupróf, skv. nánari reglum er dómsmálaráðuneytið setur.

Leyfi fyrir rifflum með meiri hlaupvídd en cal. 243 (6,1x52 mm) skal ekki veita nema í undantekningartilvikum og að jafnaði aðeins þeim, sem stunda veiðar stærri dýra, svo sem hreindýra. Nú hyggst maður stunda hreindýraveiðar og sækir í því skyni um leyfi fyrir slíkum riffli, skal hann þá láta fylgja með umsókn sinni meðmæli eftirlitsmanns með hreindýraveiðum og vottorð um að hann hafi leyfi til þess að veiða hreindýr. Leyfi fyrir skotvopnum, sem ætluð eru til minkaveiða má aðeins veita að fenginni umsögn veiðistjóra.

Að jafnaði skal ekki veita leyfi fyrir haglabyssum sem taka fleiri en tvö skothylki.

Þrátt fyrir ákvæði 1. mgr. hefur lögreglustjóri heimild til þess að veita leyfi fyrir hálf-sjálfvirkum haglabyssum og rifflum, sem fluttir hafa verið til landsins fyrir gildistöku laga nr. 46/1977, til manna er fullnægja skilyrðum til að mega eiga skotvopn skv. þessari grein.

#### 4. gr.

Þrátt fyrir ákvæði 3. gr. getur lögreglustjóri heimilað eign skotvopna, ef um gömul vopn er að ræða er teljast vera safngripir, enda skuldbindi eigandi sig til að nota þau eigi.

Lögreglustjóri getur krafist þess, að vopnið verði á kostnað eiganda gert tímabundið eða varanlega ónothæft.

#### 5. gr.

Lögreglustjóra er heimilt að veita bændum, sem eru ábúendur á lögbýlum, leyfi til að eiga hentugar hlaupstuttar einskota byssur (fjárbyssur) til aflífunar búfjár, enda sýni þeir fram á verulega þörf til að eiga slík skotvopn.

Lögreglustjóra er heimilt að veita dýralæknum og mönnum, er skipaðir hafa verið af sveitarfélögum til þess að eyða meindýrum, leyfi fyrir skammbyssu.

Leyfi fyrir skotvopnum samkvæmt 1. og 2. mgr. skal gefið út með þeim fyrirvara að það verði felld niður, þegar þargreind skilyrði eru ekki lengur fyrir hendi.

Lögreglustjóra er heimilt að veita þeim, er stunda hvalveiðar, leyfi fyrir hvalveiðibyssum.

Frekari leyfi fyrir skammbyssum en að framan getur svo og frekari leyfi fyrir öðrum skotvopnum en tilgreint er í þessum kafla skal lögreglustjóri ekki veita nema með samþykki dómsmálaráðuneytisins.

#### 6. gr.

Lögreglustjórar geta veitt félögum og stofnunum leyfi til þess að eiga skotvopn, ef slíkir aðilar þurfa starfsemi sinnar vegna nauðsynlega á þeim að halda, sbr. 16. gr. laga nr. 46/1977, enda leiti lögreglustjórar samþykkis dómsmálaráðuneytisins fyrir því áður en leyfi er veitt.

#### 7. gr.

Erlendum ríkisborgurum, sem dveljast hér á landi skal að jafnaði eigi veitt skotvopnaleyfi fyrr en eftir þriggja ára samfellda búsetu í landinu. Áður en leyfi er útgefið skal lögreglustjóri leita umsagnar Útlendingaeftirlitsins.

## 8. gr.

Nú andast maður, sem hefur leyfi fyrir skotvopni og skulu þá aðstandendur hins látna tilkynna lögreglustjóra um látið. Lögreglustjóri skal taka ákvörðun um geymslu á skotvopninu þar til dánarbúinu hefur verið skipt.

Nú hefur hinn látni átt skotvopn, sem er sérstaklega verðmætt eða er kjörgripur, og getur lögreglustjóri þá veitt erfingja leyfi fyrir því, þótt um vopn sé að ræða, sem fellur undir ákvæði 3. gr., enda fullnægi erfinginn skilyrðum til þess að mega eiga skotvopn skv. 2. gr., sbr. 1. gr.

Maki, sem hefur fengið leyfi til setu í óskiptu búi, þarf leyfi lögreglustjóra fyrir skotvopni eða skotvopnum, sem hinn látni maki hafði leyfi fyrir. Lögreglustjóra er heimilt að veita slík leyfi til bráðabirgða, þótt maki fullnægi eigi skilyrðum 4. tölul. 1. gr. enda skuldbindi hann sig til þess að nota ekki skotvopnið.

## II. KAFLI

**Skotvopnaleyfi og skráning skotvopna.**

## 9. gr.

Í umsókn um skotvopnaleyfi skal tilgreina:

1. Fullt nafn, kennitölu, lögheimili, fæðingardag og starf umsækjanda.
2. Tegund þess skotvopns, sem umsækjandi hyggst eignast, svo og aðrar upplýsingar um það, þ. á m. hlaupvídd og hvort það er margskota eða sjálfvirkt.
3. Til hvaða nota skotvopnið er ætlað og hver sé þörf umsækjanda að eignast það.
4. Hafi umsækjandi átt lögheimili í öðru lögsagnarumdæmi síðustu tvö árin, skal hann tilgreina hið fyrra lögheimili.
5. Hafi umsækjandi áður fengið leyfi fyrir skotvopni skal hann tilgreina hvar og hvenær leyfið var útgefið og hvort það er í gildi.
6. Af hverjum umsækjandi hyggst kaupa skotvopnið.
7. Aðrar upplýsingar, ef lögreglustjóri óskar þess.

Ef umsækjandi er einstaklingur, skal umsókn send lögreglustjóra í því umdæmi, þar sem umsækjandi hefur lögheimili.

Ef umsækjandi er stofnun eða félag, sbr. 6. gr., skal umsókn send lögreglustjóra í því umdæmi, þar sem félagið er skráð eða þar sem stofnunin hefur starfsstöð. Í umsókn skal tilgreina notanda eða notendur svo og vörslumann.

## 10. gr.

Með umsókn um leyfi fyrir skotvopni skal fylgja sakavottorð umsækjanda og skotvopnaleyfi hans, hafi hann slíkt leyfi, svo og önnur gögn, ef lögreglustjóri óskar þess, svo sem meðmæli tveggja valinkunnra manna og læknisvottorð.

## 11. gr.

Hafi umsækjandi flutt í umdæmið og eigi eru liðin 2 ár frá flutningunum skal lögreglustjóri, áður en hann tekur afstöðu til umsóknarinnar, leita upplýsinga um umsækjanda, hjá lögreglustjóra þess umdæmis, er umsækjandi flytur úr.

Hyggist umsækjandi kaupa skotvopn, sem þegar hefur verið skráð, skal lögreglustjóri kanna hvort rétt sé greint um skráninguna í umsókninni, áður en hann tekur afstöðu til hennar.

## 12. gr.

Ef lögreglustjóri telur, eftir að hafa kannað umsókn og fylgigögn, að til greina komi að veita leyfið skal hann láta umsækjanda gangast undir próf skv. 4. tölul. 1. gr. eða 4. mgr. 3. gr. Að prófi loknu tekur lögreglustjóri endanlega afstöðu til umsóknarinnar.

## 13. gr.

Fallist lögreglustjóri á að veita umbeðið leyfi gefur hann út heimild til umsækjanda að mega eignast tiltekið skotvopn. Í heimild þessari (kaupaheimild) skal nákvæmlega tilgreina, í samræmi við 2. tölul. 16. gr., hvaða skotvopn kaupandi megi kaupa og af hverjum.

Seljanda er óheimilt að selja öðrum skotvopn eða selja önnur skotvopn en greinir í kaupahemild. Seljanda ber að árita þrjú eintök kaupahemildar sem staðfesting á því að hann hafi selt kaupanda tilgreint skotvopn.

Frumrit kaupahemildar ber seljanda að senda til lögreglustjóra er hér greinir:

1. Selji verslun skotvopn skal heimildin send lögreglustjóra í því umdæmi þar sem verslunin hefur starfsstöð.
2. Selji einstaklingur sem hefur skotvopnaleyfi skotvopn, skal heimildin send lögreglustjóra í því umdæmi, þar sem seljandi á lögheimili þegar sala fer fram, án tillits til þess hvar leyfið er upphaflega útgefið. Með kaupahemild skal seljandi senda skotvopnaleyfi sitt og skal lögreglustjóri eyðileggja það og gefa út nýtt, án sérstaks gjalds, ef seljandi á fleiri vopn en hann selur. Ef leyfið er útgefið í öðru umdæmi skal lögreglustjóra í því umdæmi tilkynnt um niðurfellingu eða endurnýjun leyfisins og skal hann þá rita á viðkomandi spjaldskrá að tiltekið eða tiltekin skotvopn séu tekin á skrá í öðru umdæmi.
3. Selji stofnun eða félag sem fengið hefur leyfi samkvæmt 6. gr. skotvopn, skal heimildin send lögreglustjóra í því umdæmi þar sem félagið er skráð eða þar sem stofnunin hefur starfsstöð. Að öðru leyti skal fara að sem segir í 2. tl.

Annað eintak kaupahemildar afhendir seljandi kaupanda og gildir það eintak sem leyfi fyrir tilgreindu skotvopni til bráðabirgða í allt að einn mánuð frá útgáfu heimildar. Þriðja eintaki heldur seljandi.

Lögreglustjóri sem gefið hefur út kaupahemild skal gefa út tilsvarendi skotvopnaleyfi jafnskjótt og hann hefur móttekið kaupahemildina áritaða af seljanda. Hafi annar lögreglustjóri móttekið kaupahemildina úr hendi seljanda skal hann framsenda hana þeim lögreglustjóra er gaf hana út að fullnægðum ákvæðum 3. mgr.

Þrátt fyrir ákvæði þessarar greinar er eiganda skotvopns heimilt að selja það verslun sem hefur heimild til að versla með skotvopn, enda tilkynni hann það lögreglustjóra í því umdæmi þar sem hann hefur lögheimili. Tilkynningu ber eigi að taka gilda nema fyrir liggi viðurkenning frá viðkomandi verslun um að hún hafi keypt umrætt skotvopn, og að lögreglustjóra í því umdæmi þar sem verslunin hefur starfsstöð, hafi verið tilkynnt um söluna. Seljanda ber að senda skotvopnaleyfi sitt til lögreglustjóra til ógildingar, sbr. ákvæði 3. mgr.

Ákvæði þessarar greinar eiga við þótt eignaryfirfærsla skotvopns eigi sér stað með öðrum hætti en með sölu.

Gjald fyrir skotvopnaleyfi skal greiða við móttöku kaupahemildar.

## 14. gr.

Í skotvopnaleyfi skal tilgreina:

1. Nafn, kennitölu, fæðingardag og heimili leyfishafa.
2. Tegund, verksmiðjuheiti, verksmiðjunúmer, hlaupvídd og aðrar upplýsingar um þau skotvopn, sem leyfið tekur til, sbr. 2. tl. 1. mgr. 16. gr.
3. Útgáfustað, útgáfudag og gildistíma.
4. Hvort leyfishafi hafi áður fengið útgefið skotvopnaleyfi.
5. Númer leyfis.

Lögreglustjóri getur sett sérstök skilyrði í leyfið, ef hann telur þess þörf.

## 15. gr.

Sá, sem óskar endurnýjunar skotvopnaleyfis skal senda umsókn um endurnýjun til lögreglustjóra í því umdæmi, þar sem umsækjandi á lögheimili. Þegar leyfi er endurnýjað

skal leyfishafi gera grein fyrir hæfni sinni og þekkingu á því vopni sem hann hefur leyfi til að fara með.

Skotvopnaleyfi skal einnig endurnýja í hvert skipti, sem leyfishafi fær heimild til þess að eignast til viðbótar skotvopn, eða þegar hann á fleiri en eitt skotvopn og selur hluta af skotvopnaeign sinni, sbr. 3. mgr. 13. gr.

Hafi skotvopnaleyfi verið útgefið í öðru umdæmi skal lögreglustjóri, sem endurnýjar leyfi, tilkynna það lögreglustjóra þeim, sem áður gaf það út og skal sá rita í viðkomandi spjaldskrá, að tiltekin skotvopn séu tekin á skrá í öðru umdæmi.

Hafi skotvopnaleyfi glatast, skemmt eða eyðilagst, má gefa út samrit þess, til jafnlangs tíma. Finnist glatað skotvopnaleyfi skal tafarlaust skila því til lögreglustjóra. Skemmt skotvopnaleyfi, sem samrits er beiðst af skal afhenda lögreglustjóra.

Gildistími skotvopnaleyfis skal vera 10 ár frá útgáfudegi eða endurútgáfu skotvopnaleyfis. Lögreglustjóra er þó heimilt í sérstökum tilvikum að gefa út leyfi til skemmri tíma.

#### 16. gr.

Lögreglustjórar skulu halda eftirtaldar skrár:

1. Spjaldskrá yfir leyfishafa þar sem skráð er nafn, kennitala, heimilisfang og staða leyfishafa. Þar skal einnig skrá upplýsingar um þau vopn er leyfishafi á. Einnig skal skrá hvenær leyfi er útgefið eða endurútféfið svo og aðrar nauðsynlegar upplýsingar svo og ákvarðanir er lögreglustjóri tekur, svo sem afturköllun.
  2. Spjaldskrá yfir leyfð skotvopn, þar sem komi fram allar nauðsynlegar upplýsingar um skotvopnið, þ. á m. tegund þess, verksmiðjuheiti, verksmiðjunúmer, hlaupvídd, hvað mörg skot vopnið taki og hvort það er sjálfvirkt, hálf sjálfvirkt eða ekki.
- Lögreglustjórar skulu skrá öll útgefin leyfi í tímaröð í sérstaka bók.

### III. KAFLI

#### Um vörslu, notkun og afnotarétt skotvopna.

#### 17. gr.

Skráður eigandi skotvopns hefur einn heimild til þess að nota það með þeim undantekningum, sem segir í þessum kafla.

Eigendur eða umráðahafar skotfæra og skotvopna skulu ábyrgjast vörslur þeirra og sjá svo um, að óviðkomandi aðilar nái eigi til þeirra.

Þegar skotvopn og skotfæri eru ekki í notkun, skulu skotvopn annars vegar og skotfæri hins vegar geymd í aðskildum læstum hirslum.

#### 18. gr.

Skráður eigandi riffils eða haglabyssu skv. 2. gr. hefur heimild til þess að lána þau skotvopn hverjum sem hefur skotvopnaleyfi, þó eigi ef um er að ræða leyfi skv. 3. tl. 2. gr. (fyrir loftskotvopnum).

Eigandi loftskotvopns hefur heimild til þess að lána það hverjum sem hefur skotvopnaleyfi.

Skráður eigandi skotvopns skv. 3. eða 5. gr. hefur heimild til þess að lána það öðrum, sem hefur leyfi fyrir samskonar vopni og af sömu stærð.

Lánsheimild skv. 1. til 3. mgr. skal vera skrifleg og gildir í allt að 4 vikur.

Eiganda skotvopns er heimilt að láta það af hendi til viðgerðarmanns.

Sá, sem fær skotvopn að láni, ábyrgist vörslur þess meðan skotvopnið er í umsjá hans.

#### 19. gr.

Lögreglustjóri getur, ef þörf krefur, að beiðni eiganda skotvopns, veitt maka hans eða nánú skyldmenni eða öðrum með sama heimilisfangi afnotaheimild að því.

Afnotahafi skal almennt fullnægja skilyrðum um að mega eiga það skotvopn er hann fær heimild til að nota.

Afnotaheimild skv. 1. mgr. skal rita í skotvopnaleyfi eiganda. Tilgreina skal í leyfið nafn afnotahafa, heimilisfang og hvaða skotvopn hann hafi heimild til þess að nota.

Lögreglustjóra er heimilt að veita afnotaheimild ótímabundið. Afnotaheimild fellur niður, þegar gildistími leyfis rennur út.

Lögreglustjóri getur, sé þess óskað, gefið út samrit skotvopnaleyfis fyrir afnotahafa.

Skráður afnotahafi skotvopns hefur aðeins heimild til þess að nota skotvopn með samþykki eiganda hverju sinni.

#### 20. gr.

Heimilt er félagssamtökum, er hafa iðkun skotfimi að markmiði og hafa fengið leyfi fyrir skotvopni skv. 6. gr., að lána félagsmönnum skotvopn til afnota eftir nánari fyrirmælum lögreglustjóra.

Þótt félagsmaður hafi ekki skotvopnaleyfi er heimilt að lána honum skotvopn, enda noti hann það undir eftirliti skotvarðar eða kennara, allt samkvæmt nánari fyrirmælum lögreglustjóra.

Lögreglustjóri getur gert það að skilyrði að útlán séu skráð í sérstaka bók.

### IV. KAFLI

#### Um inn- og útflutning skotvopna og skotfæra.

#### 21. gr.

Óheimilt er að flytja til landsins til almennrar sölu skotvopn, sem eingöngu eru ætluð til nota í hernaði, svo og sjálfvirk skotvopn og ennfremur hálf sjálfvirka riffila. Dómsmálaráðuneytið getur, ef nauðsyn ber til, veitt undanþágu frá ákvæðum þessarar greinar.

#### 22. gr.

Óheimilt er að flytja til landsins skotvopn, sem ekki eru númeruð eintaksnúmeri.

#### 23. gr.

Óheimilt er að tollafgreiða eftirtalдар vörur nema innflytjandi leggi fram við tollafgreiðslu vörureikning, sem lögreglustjóri hefur samþykkt til innflutnings:

1. Skotvopn og hluta til þeirra, sbr. 93. kafla tollskrár.
2. Vopn er falla undir tollskrárnúmer 93.01.00.
3. Örvaboga og örvar, sbr. tollskrárnúmer 97.06.09.

Lögreglustjóri í umdæmi því sem innflytjandinn hefur starfsstöð veitir framangreind leyfi með áritun á vörureikning.

Lögreglustjórar skulu senda dómsmálaráðuneytinu afrit af öllum vörureikningum, er þeir hafa áritað til innflutnings.

Ef um er að ræða innflutning á öðrum skotvopnum en þeim sem tilgreind eru í 2., 3. og 4. gr., svo sem skammbýssum, skal sækja um innflutningsleyfi til dómsmálaráðuneytisins í hvert sinn, áður en pöntun er gerð.

#### 24. gr.

Heimilt er að veita erlendum ríkisborgurum, sem dveljast um skamman tíma hér á landi, leyfi til þess að flytja til landsins skotvopn til eigin nota með eftirgreindum skilyrðum:

1. Að viðkomandi fullnægi skilyrðum íslenskra laga um að mega eiga skotvopn.
2. Að viðkomandi hafi skotvopnaleyfi útgefið í heimalandi sínu.
3. Að viðkomandi leggi fram meðmæli eins eða tveggja manna, búsettra hér á landi, sem þekki hann persónulega, og heimild eiganda landareignarinnar þar sem hann hyggst nota skotvopnið.

Í umsókn skal umsækjandi tilgreina:

1. Fullt nafn, ríkisfang, fæðingardag og ár og heimilisfang.
2. Til hvers hann hyggst nota skotvopnið og hvar hann hyggst nota það.
3. Tegund, hlaupvídd, verksmiðjuheiti og verksmiðjunúmer þeirra skotvopna er hann hyggst flytja með sér til landsins.
4. Tegund og magn skotfæra, ef óskað er innflutnings þeirra.

Með umsókn skal umsækjandi senda staðfest endurrit eða ljósrit af skotvopnaleyfi því er hann hefur fengið útgefið í heimalandi sínu.

Lögreglustjórinn í Reykjavík gefur út umrædd leyfi svo og leyfi til handa viðkomandi að mega nota þau vopn sem hann flytur inn.

Skylt er þeim, er fær umrædd leyfi, við brottför frá landinu, að flytja úr landi þau skotvopn er hann hefur flutt með sér til landsins.

Lögreglustjóri skal tilkynna viðkomandi tollyfirvöldum um leyfi til erlendra manna.

#### 25. gr.

Óheimilt er að flytja til landsins skotfæri, nema með leyfi dómsmálaráðuneytis. Hið sama gildir um einstaka hluta skotfæra og efni til skotfæragerðar, svo sem tóm skothylki, byssukúlur eða púður til skotfæragerðar. Leyfis skal aflað hvernig sem staðið er að innflutningi, þ.m.t. ef innflutningur á sér stað í gegnum póstverslun. Þegar leyfi hefur verið veitt gildir það í sex mánuði.

Í umsókn um leyfi skv. 1. mgr. skal greina:

1. Nafn, kennitölu og heimili umsækjanda (innflytjanda).
2. Gerð, tegund og stærðir þeirra skotfæra eða skotfærahluta sem fyrirhugað er að flytja inn.
3. Magn þess sem fyrirhugað er að flytja inn.
4. Nafn og heimili seljanda.
5. Áætlaða flutningsleið, brottfarar- og komudag.

#### 26. gr.

Afrit leyfis skv. 1. mgr. 25. gr. skal þegar sent lögreglustjóra í því umdæmi þar sem ætlað er að tollafgreiðsla skotfæra muni fara fram.

Þegar skotfærasending er komin til landsins skal innflytjandi sækja sérstaklega um áritun vörureiknings til embættis lögreglustjóra í því umdæmi þar sem skotfærin verða tollafgreidd. Skal í umsókn um áritun, tilgreina tegund og magn þeirra skotfæra sem óskað er eftir að tollafgreidd verði í það skiptið.

Lögreglustjóri yfirfer vörureikninga með hliðsjón af leyfisbréfi, og áritar þá ef ótvírætt er að innflytjandi hafi heimild til innflutnings. Annars synjar lögreglustjóri um áritun.

Óheimilt er að tollafgreiða skotfæri (sbr. 93. kafla tollskrár), hluta þeirra (t.d. tóm skothylki) eða efni til skotfæragerðar (sbr. tollskrárnúmer 3601.0000) nema innflytjandi leggi fram við tollafgreiðslu vörureikning áritaðan af lögreglustjóra, innflutningsleyfi skv. 1. mgr. 25. gr. og eftir atvikum tilflutningsleyfi skv. 10. gr. tilskipunar ráðsins nr. 93/15/EBE frá 15. apríl 1993 um samhæfingu ákvæða um markaðssetningu og eftirlit með sprengiefnum til almennra nota.

#### 27. gr.

Óheimilt er að flytja úr landi skotfæri, nema með leyfi dómsmálaráðuneytis. Í umsókn um útflutningsleyfi skv. 1. mgr. skal greina:

1. Nafn, kennitölu og heimili umsækjanda (útflytjanda).
2. Gerð, tegund, stærðir og magn þess sem fyrirhugað er að flytja út.
3. Nafn og heimili kaupanda eða viðtakanda.

Ef fyrirhugað er að flytja út skotfæri í gegnum eða til ríkis á Evrópska efnahagssvæðinu skal í umsókn skv. 1. mgr. ennfremur koma fram áætlun um fyrirhugaðan flutning. Í áætluninni skulu koma fram eftirfarandi upplýsingar, sbr. 10. gr. tilskipunar ráðsins nr. 93/15/EBE frá 15. apríl 1993 um samhæfingu ákvæða um markaðssetningu og eftirlit með sprengiefnum:

1. Ákvörðunarstaður þeirrar sendingar sem fyrirhugað er að flytja.
2. Nauðsynlegar upplýsingar til þess að eftirlitsmenn geti staðreynt atriði sem varða skotfærin, þ. á m. upplýsingar svo staðfesta megi alþjóðlegar merkingar.
3. Hvernig skotfærin verða flutt.
4. Upphafsdagur flutnings og áætlaður komudagur til viðkomandi ríkis.

Ef um er að ræða sendingu frá vopnaframleiðanda til vopnasala, þurfa þær upplýsingar sem getið er í 3. og 4. tölul. 2. mgr. ekki að koma fram í umsókn um leyfi skv. 1. mgr.

#### 28. gr.

Dómsmálaráðuneytið getur veitt vopnasölum almenn réttindi til útflutnings skotfæra til vopnaframleiðenda eða vopnasala í ríkjum Evrópska efnahagssvæðisins í samræmi við 10. gr. tilskipunar ráðsins nr. 93/15/EBE frá 15. apríl 1993 um samhæfingu ákvæða um markaðssetningu og eftirlit með sprengiefnum til almennra nota. Útflytjendur sem réttindin hafa þurfa þá ekki að afla tilflutningsleyfis í hvert sinn sem skotfæri eru flutt til milli EES-ríkja. Ráðuneytið gefur út bréf réttindunum til staðfestu. Í bréfinu skal koma fram til hvaða skotfæragerða réttindin taki.

### V. KAFLI

#### Um verslun.

#### 29. gr.

Þeir sem fá leyfi til þess að versla með skotfæri, sbr. 9. gr. laga nr. 46/1977, skulu geyma þau í húsrými, sem samþykkt er af viðkomandi slökkviliðsstjóra og lögreglustjóra.

Húsrýmið skal þannig gert:

1. Veggir skulu a.m.k. 120 mm þykkir gerðir úr steinsteypu, gjallsteini eða vikursteini.
2. Gólf skal vera steinsteyp, a.m.k. 120 mm þykkt.
3. Loftplata skal gerð úr jámbentri steinsteypu, a.m.k. 120 mm þykk.
4. Hurð sé A 60 eldvarnarhurð með traustri læsingu.
5. Ljósabúnaður í geymslu skal vera sprengipéttur (gaspéttur).
6. Ljósrofi skal vera utan geymslunnar og með aðvörunarljósi.

Sé um óverulegt magn skotfæra að ræða má víkja frá ákvæðum 2. mgr. svo og ef skotfæri eru geymd í húsnæði, þar sem stöðug vakt er.

Skotvopn skal geyma í læstum geymslum, tryggilega útbúnum að mati lögreglustjóra.

Heimilt er að geyma í verslunum á afgreiðslutíma hæfilegt magn skotfæra og skotvopna til daglegrar sölu. Óheimilt er þó að stilla skotvopnum og skotfærum í sýningarglugga verslana.

Heildsalar skulu senda dómsmálaráðuneytinu upplýsingar um öll skotvopn er þeir selja smásöluverslunum, þ. á m. fjölda skotvopna, tegund, hlaupvídd, eintaksnúmer hvers skotvopns og hvort um margskota vopn er að ræða eða sjálfvirkt (hálf sjálfvirkt). Heildsalar skulu einnig senda sömu upplýsingar til lögreglustjóra þess umdæmis, þar sem viðkomandi smásöluverslun hefur starfsstöð.

Heildsalar skulu gefa lögreglustjórum á sama hátt upplýsingar um sölu skotfæra, ef þess er óskað.

#### 30. gr.

Smásöluverslanir skulu halda skrá yfir skotvopn, sem þær hafa til sölu. Þeim ber að gefa lögreglustjóra upplýsingar um seld skotvopn jafnskjótt og sala hefur farið fram, sbr. 13. gr.

Smásöluverslanir skulu tilkynna lögreglustjóra taki þær skotvopn í umboðssölu eða kaupum til endursölu af öðrum.



## 31. gr.

Smásöluverslanir skulu halda skrá yfir seld skotfæri og senda lögreglustjóra í því umdæmi þar sem verslun hefur starfsstöð afrit af henni. Tilgreina skal magn skotfæra, tegund og hlaupvídd. Kaupandi skotfæra skal kvitta fyrir móttöku þeirra.

## 32. gr.

Aðeins má selja þeim skotfæri sem hafa skotvopnaleyfi og framvísa því.

Enginn má kaupa riffilskot í riffla sem eru stærri en cal. 243, nema með leyfi lögreglustjóra. Í leyfi skal m.a. tilgreina tegund og magn skotfæra.

## VI. KAFLI

**Um skotfæragerð o.fl.**

## 33. gr.

Skotvopnaleyfishafa er heimilt með leyfi lögreglustjóra að hlaða skothylki í þau skotvopn, sem hann hefur leyfi fyrir. Aðeins má veita þeim leyfi, sem hefur nægilega þekkingu til þess að hlaða skothylki og fara með hleðslutæki. Leyfi lögreglustjóra þarf til þess að kaupa púður, hvellhettur til skotfæragerðar og hleðslutæki.

## 34. gr.

Óheimilt er að stytta hlaup á skotvopni eða breyta því verulega nema með leyfi lögreglustjóra.

## VII. KAFLI

**Um skotvopn skv. 2. gr. laga nr. 46/1977.**

## 35. gr.

Ákvæði laga nr. 46/1977 taka eigi til eftirgreindra skotvopna nema að því leyti sem segir í þessum kafla:

1. Naglabyssa og skothamra, sem ætlaðir er til nota í byggingariðnaði.
2. Línubysa og tilheyrandi skotfæra, merkjabysa eða annarra slíkra skotvopna og skotfæra, sem eingöngu eru notuð við björgunarstörf í skipum og á landi.
3. Skotvopna, sem eingöngu eru notuð við slátrun dýra og eru þannig gerð að ekki hleypur af skot en þrýstist úr pinni.

## 36. gr.

Þeir sem flytja inn skotvopn sem tilgreind eru í 3. tölul. 35. gr. þurfa til þess leyfi skv. 9. gr. laga nr. 46/1977, svo og innflutningsleyfi skv. 7. gr. nefndra laga, sbr. 23. gr. þessarar reglugerðar.

Þeir sem hafa leyfi til þess að versla með skotvopn þau sem tilgreind eru í 3. tl. 35. gr. skulu halda skrá yfir seld skotvopn og senda viðkomandi lögreglustjóra afrit af henni.

## VIII. KAFLI

**Um tæki og vopn skv. 3. gr. laga nr. 46/1977.**

## 37. gr.

Hnífaburður er bannaður á almannafæri nema vegna sérstakra tilfella svo sem við vinnu, á veiðum eða önnur slík tilvik sem hnífaburður telst eðlilegur og sjálfsagður við. Bann þetta nær þó ekki til venjulegra vasahnífa sem eru með mest 7 cm löngu blaði.

Bannað er að flytja til landsins, framleiða eða eiga:

1. Bitvopn ef blaðið er lengra en 12 cm, fjaðrahnífa, fjaðrarýtinga, fallhnífa, fallrýtinga eða önnur slík vopn.
2. Högg eða stuðvopn svo sem hnúajárn, gaddakylfur, felukylfur eða önnur slík vopn.
3. Kaststjörnur, kasthnífa eða önnur slík vopn.

4. Lásboga eða slöngubyssur svo og sérstaklega hættulegar tegundir örvaodda fyrir langboga sem ætlaðir eru til veiða.
5. Eftirlíkingar skotvopna hvort heldur ætlaðar eru til að skjóta úr gasi, merkjablysum eða púðurskotum enda sé hér um að ræða eftirlíkingar sem erfitt er að greina frá fyrirmyndinni og jafnvel hægt að gera virk sem skotvopn.  
Öðrum en lögregluþyrftum er óheimilt að flytja til landsins, framleiða eða eiga handjárn, fótjárn úr málmum eða öðru efni svo og kylfur, sem ekki eru ætlaðar til íþróttaiðkunar.

38. gr.

Óheimilt er að selja eða afhenda yngra barni en 16 ára örvaboga með meiri togkrafti en 7 kg eða oddhvassar örvar.

## IX. KAFLI

## Um gjöld.

39. gr.

Greiða skal gjöld fyrir skotvopnaleyfi sem hér segir:

- |   |           |
|---|-----------|
| 1. Fyrir hvert skotvopn sem skráð er, hvort sem það er nýtt eða notað ..... | kr. 2.000 |
| 2. Fyrir endurnýjun á skotvopnaleyfi, án tillits til fjölda skotvopna ..... | kr. 1.000 |
| 3. Fyrir afnotaleyfi skv. 19. gr. ....                                      | kr. 1.000 |

Gjaldfrjáls eru leyfi fyrir skotvopnum, sem varanlega hafa verið gerð ónothæf og leyfi skv. 3. mgr. 8. gr.

Gjöld sem innheimt eru skv. grein þessari renna í ríkissjóð.

## X. KAFLI

## Gildistaka.

40. gr.

Reglugerð þessi sem sett er samkvæmt heimild í lögum um skotvopn, skotfæri og skotelda nr. 46 13. maí 1977, svo og með hliðsjón af XXIX. kafla II. viðauka EES-samningsins varðandi tilskipun 93/15/EBE (sjá EES-viðbæti við Stjórnartíðindi EB, sérstaka útgáfu, bók 3, bls. 663-679), öðlast gildi 1. maí 1997. Frá sama tíma fellur úr gildi reglugerð nr. 16 20. janúar 1978 um skotvopn og skotfæri, sem og reglugerðir um breytingar á henni, nr. 174 27. apríl 1979 og nr. 474 13. október 1988 svo og reglugerð nr. 636 30. desember 1991 um gjöld fyrir skotvopnaleyfi.

*Dóms- og kirkjumálaráðuneytinu, 16. apríl 1997.*

**Þorsteinn Pálsson.**

*Þorsteinn Geirsson.*

## GJALDSKRÁ

## Veitustofnana Hveragerðis.

## B-hluti.

1. gr.

## Almennt.

Gjaldskrá þessi gildir fyrir veitusvæði Veitustofnana Hveragerðis (VSH). Gjaldskráin tekur til afhendingar og sölu rafmagns, heits vatns og jarðgufu sbr. reglugerð fyrir VSH nr. 276/1994.